



16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45


111
47
1490.40
157.1
1122



古411
547
:1





古411
547





司
錢
十
...

十集古錄目







序記下至古文籀篆分隸諸家之字書皆三代以來至寶怪

帛得於有力之彊有力而不嫌好之而無能致之象犀虎豹蠻夷山海殺人之獸然而有也玉出崑崙流沙萬里之外經十餘出南海常生深淵採者腰絕而入水形色下飽蛟魚金礦于山鑿深而尤遠篝火饒屈塞則遂葬於其中者率常數十百人其禍常如此然而金玉珠璣世常兼聚而有刀則無不至也湯盤孔鼎岐陽之鼓岱山與夫漢魏已來聖君賢士桓碑彝器銘詩




奇偉麗工妙可喜之物其去人不遠其取之無禍然而風霜
兵火湮淪磨滅散棄於山崖墟莽之間未嘗收拾者由世之
好者少也幸而有好之者又其力或不足故僅得其一二而
不能使其聚也夫力莫如好好莫如一予性顛而嗜古凡世
人之所貪者皆無欲於其間故得二其所好於斯好之已篤
則力雖未足猶能致之故上自周穆王以來下更秦漢隋唐
五代外至四海九州名山大川窮崖絕谷荒林破塚神仙鬼
物詭怪所傳莫不皆有以爲集古錄以謂轉一作傳寫失真故
因其石本軸而藏之有卷帙次第而無時世之先後蓋其取
多而未已故隨其所得而錄之又以謂聚多而終必散乃撮
其大要別爲錄目因并載夫可與史傳正其闕繆者以傳後


學庶益於多聞或譏予曰物多則其勢難聚聚久而無不散
何必區區於是哉予對曰足吾所好玩而老焉可也象犀金
玉之聚其能果不散乎予固未能以此而易彼也廬陵歐陽
修序

昔在洛陽與余遊者皆一時豪雋之士也而陳郡謝希深
善評文章河南尹師魯辨論精博余每有所作二人者必
伸紙疾讀便得余深意以示他人亦或時有所稱皆非余
所自得者也宛陵梅聖俞善人君子也與余共處窮約每
見余小有可喜事懽然若在諸己自三君之亡余亦老且
病矣此敘之作既無謝尹之知音而集錄成書恨聖俞之
不見也悲夫嘉祐八年歲在癸卯七月二十四日書

集古錄既成之八年家君命棐曰吾集錄前世埋沒缺落之
文獨取世人無用之物而藏之者豈徒出於嗜好之僻而以
爲耳目之玩哉其爲所得亦已多矣故嘗序其說而刻之又
跋於諸卷之尾者二百九十六篇序所謂可與史傳正其闕
謬者已粗備矣若撮其大要別爲目錄則吾未暇然不可以
缺而不備也棐退而悉發千卷之藏而考之曰嗚呼可謂詳
矣蓋自文武以來迄於五代盛衰得失賢臣義士姦雄賊亂
之事可以動人耳目者至於釋氏道家之言莫不皆有然分
散零落數千百年而後聚於此則亦可謂難矣其聚之既難
則其久也又將遂散而無傳宜公之惜乎此也於是各取其
書撰之人事迹之始終所立之時世而著之爲二十卷以附



於跋尾之後夫此千卷之書者刻之金石記之山崖未嘗不
爲無窮之計也然必待集錄而後著者豈非以其繁而難於
盡傳哉故著其大略而不道其詳者公之志也熙寧二年二
月記



集古錄目次

卷一

秦

祀巫咸文

之采山刻石

漢

王君闕

元興元年

景君碑

元初五年

袁良碑

永建六年

北海相景君碑

漢安二年

今存

武班碑

建和元年

今存

司隸校尉楊君頌 建和二年 今存

張公神碑 和平元年

張公廟碑陰

孔子廟置卒史碑 永興元年 今存

孔德讓碣 永興二年 今存

韓勅造禮器碑 永壽二年 今存

郎中鄭固碑 延熹元年 今存

樊常侍碑 延熹元年

孫叔敖碑 延熹二年

封邱令王元賞碑 延熹四年

符令修廟題名 延熹五年

桐柏廟碑 延熹六年

祝睦碑 延熹七年

孔宙碑 延熹七年 今存

孔宙碑陰

老子銘 延熹八年

西嶽廟碑 延熹八年

祝睦後碑 延熹九年

堯祠祈雨碑 延熹中

田君碑 永康中

魯相晨孔子廟碑 建寧元年 今存

張壽碑 建寧元年 今存

冀州從事張表碑 建寧元年 今存

金鄉長侯君碑 建寧二年

衡方碑 建寧二年 今存

祐相楊君碑 建寧三年 今存拓本

楊君碑陰題名

慎令劉君墓碑 建寧四年

孔君碑 建寧四年

郭中侯碑 建寧四年

郟閣頌 建寧五年 今存

堯母碑 建寧五年

卷二

繁陽令楊君碑 熹平三年 今存拓本

周府君碑 熹平三年

支儒婁先生碑 熹平三年 今存拓本

石經遺字 熹平四年 今存拓本

堯祠碑 熹平四年

魯峻碑 熹平中 今存

郎中王君碑 光和元年

樊毅西華山亭碑 光和二年

樊毅修西嶽廟復民碑 光和二年

樊毅修華嶽碑 光和二年

穀阮君神祠碑 光和四年

無極山神廟碑 光和四年

臺長蔡君頌 光和四年

北嶽廟碑 光和四年

敬仲碑 光和四年

無名碑 光和四年

唐君碑 光和六年

朱龜碑 光和中 今存拓本

司隸從事郭究碑 中平元年

太尉劉寬碑 中平二年

太尉劉寬碑陰

太尉劉寬別碑

南陽太守秦君碑 中平三年

小黃門譙敏碑 中平四年 今存拓本

文翁石柱記 初平五年

綏民校尉熊君碑 建安二十一年

楊震碑 今存拓本

楊震碑陰題名 今存拓本

梁相費君碑 今存拓本

堂邑令費鳳碑陰 今存拓本

俞鄉侯季子碑

周伯著碑 今存拓本

元節碑

太尉陳球碑

武榮碑

唐公昉碑

今存

郭輔碑

曹騰碑

高陽令楊君碑

今存拓本

劉曜碑并陰

今存

永樂少府賈君闕

文翁石室學生題名

宗資墓天祿辟邪字

楊氏碑陰題名

楊氏碑陰題名

楊氏碑陰題名

碑陰題名

無年月

殘碑題名

殘碑

卷三

魏

受禪表

黃初元年

今存

公卿上尊號奏

黃初元年

今存

魯孔子廟碑

黃初二年

大饗碑

延康元年

橫海將軍呂君碑

范式碑 青龍元年 今存

賈逵碑

劉熹學生冢碑

吳

谷朗碑 鳳皇元年 今存

國山封禪碑 天冊元年 今存

巖山紀功碑 天璽元年 今存拓本

臨海谷侯碑

晉

鄭烈碑 太康四年

議郎陳先生碑 元康二年

吳陸禕碑 泰監三年

陸階碑 咸和七年

黃庭經 永和十二年

南陽太守司馬整碑并碑陰

紀穆侯碑

尉氏令陳君碑

張平子碑陰頌

文翁石室左右生題名

宋

太祖文皇帝神道碑 按此碑尚存在江蘇江陰系梁武帝父順之陵闕歐公誤以為宋又

習見閣帖轉摹之字斷以為非南朝所作今梁石已出十數可無疑矣

宗懋母劉夫人墓志 大明六年

慧遠法師碑

齊

桐柏山金庭館碑 永光三年

海陵王墓志

梁

檀溪寺禪房碑 天監十一年

許長史舊館壇碑 天監十七年 今存拓本

開善寺知藏法師碑 普通三年

招隱刹下銘 普通三年

東茅君碑并兩側題名 普通三年

羅浮山銘 天同元年

陳

尼慧仙銘 天嘉元年

後魏

張善碑 太延四年

大代華嶽廟碑 太延五年

修華嶽廟碑 興光二年

弔比干文 太和十八年 今存

孔子廟碑并祭文 太和中

定鼎碑 景明三年

兗州刺史羊使君碑 熙平二年

刺史崔亮至化頌

神龜造像碑 神龜二年

造五級浮圖碑 正光二年

楊勰仁造老子釋迦文像記 正光三年

僧會碑 正光四年

斛斯正碑 永熙二年

賀拔岳碑 永熙二年

二像碑

卷四

東魏

趙貴碑 天平二年

相州刺史徐雅碑 天平二年

造寺碑 天平中

造石像記 興和二年

三家寺碑 興和二年

張奢碑 興和二年 今存

造石觀音像記 武定元年

比邱曇妙等造像記并題名 武定二年

造石塔記 武定四年

造石像記 武定七年

後齊

九級塔像銘 天保三年

李威碑 天保九年

鳴球山禪房記 河清元年

三像頌 河清二年

造石浮圖記 河清二年

龍華寺浮圖記 武平元年

曹公碑 武平元年

唐邕造佛文 武平五年

造像記 武平五年

唐邕造寺碑

永樂十六角題名

恆山義七級碑

後周

靈塔頌 保定元年

河瀆廟碑 天和二年

降魔寺碑 建德二年

章孝寬碑 大象二年

于仲文紀功碑 大象二年

隋

隋立北齊造像記

興國寺碑并陰 開皇六年正月

龍藏寺碑 開皇六年 今存

造龍華浮圖碑 開皇六年

景陽樓下井銘 開皇九年

梁洋建塔表德政碑 開皇十一年

九門令李康清德碑 開皇十一年

正解寺碑 開皇十二年 今存

聖眾寺真應禪師碑 開皇十七年

蒙州普光寺碑 仁壽元年

啟法寺碑 仁壽二年 今存拓本

恆嶽寺舍利塔碑 大業元年

舍利塔碑 大業五年

九門令針耳府君清德碑 大業六年

姚辯墓志 大業七年

楊雄碑 大業九年

儀同府參軍黃山碑 大業九年

陳司徒告身 大業十一年

西林道場碑 大業十三年

王威猛墓志 大業中

鳳林寺碑

卷五

唐

長壽寺舍利碑 武德六年

周黃羅刹碑 武德八年

靈仙寺碑 貞觀元年

等慈寺碑 貞觀二年 今存

大理寺郎頴碑 貞觀五年

平公官屬題名

隋尚書左丞郎茂碑 貞觀五年

黃君漢碑 貞觀六年

無量壽佛大像碑 貞觀十年

右僕射溫彥博碑 貞觀十一年 今存

益州刺史郭福善碑 貞觀十二年

太平觀主王遠知碑 貞觀十六年

贈司空魏鄭公碑 貞觀十七年

高士廉塋兆記 貞觀二十一年

贈太常卿孔穎達碑 貞觀二十二年 今存

改葬陳張慧湛墓誌 貞觀二十三年

周唐瑾碑 貞觀中

昭仁寺碑 今存

楚哀王稚詮碑

褚亮碑 貞觀中

贈太尉房元齡碑 貞觀中 今存

隋弘義明公皇甫誕碑 貞觀中 今存

隋段文振碑

贈并州都督豆盧寬碑 永徽中 今存

三藏聖教序記 永徽四年 今存

太常卿薛收碑 永徽六年 今存

魏州刺史王波利碑 永徽中

太子少師崔敦禮碑 顯慶元年 今存

隋遂寧郡公楊達碑 顯慶二年

代國夫人開佛窟碑 顯慶二年

贈司徒李靖碑 顯慶三年 今存

弘福寺辯法師碑 顯慶二年

贈司徒尉遲恭碑 顯慶四年 今存

蘭陵長公主碑 顯慶四年 今存

贈荊州都督張士貴碑 顯慶中

三藏聖教序記 龍朔三年 今存

袁游擊碑 麟德元年

孫仁師百濟班師碑 麟德元年

盧國公程知節碑 麟德二年

夏州都督姜協碑 乾封二年

禹匡墓誌 乾封二年

華陽觀主王軌碑 乾封二年

鄭國夫人武氏碑 乾封三年

司衛卿尉遲寶琳碑 咸亨元年

右驍衛大將軍阿史那忠碑 上元二年 今存

九門縣西浮圖碑 上元三年

大興國寺舍利塔記碑 儀鳳四年

恆嶽嶺路銘 調露二年

獨孤府君頌德碑 調露二年

元府君德政碑 調露二年

開業寺碑 開耀二年 今存

陶雲德政碑 永淳三年

王法主碑 文明元年

八都壇記 垂拱二年

懷州司兵參軍魏載墓誌 垂拱四年

修敬寺旭禪師碑 萬歲通天二年

渭南縣令李思古清德頌 聖曆元年

仙壇山銘 聖曆三年 今存

則天幸流杯亭宴詩 聖曆三年

大雲寺碑 大足元年 今存

福昌令張及頌 大足元年

崇聖寺曇遂法師碑 長安元年

石柱銘

胡元綯墓誌 神龍元年

隋信行禪師興教碑 神龍元年

贊將軍墓誌 神龍二年

句容令岑植德政碑 景龍二年

太子中舍人楊承源碑 景龍三年

盛照寺鐘銘 景龍三年

龍興寺碑 景龍四年

碑陰

匡城令鄭府君碑 景龍中

孔子贊并碑陰記 景雲二年

贈益州都督王美暢碑 景雲二年

崔敬嗣碑 景雲二年

崇玄宮碑 太極元年

清邊軍總管楊乾緒碑 先天元年

韋維善政論 先天元年

贈廣州大都督成王仁碑 先天二年

卷六

唐

徧學寺碑 開元二年

崔慎碑 開元二年

有道先生葉國重碑 開元五年

建福寺三門頌成碑 開元五年

贈欽州刺史葉慧明碑 開元五年 今存拓本

西崇福寺懷素律師碑 開元六年

豫州刺史魏叔瑜碑 開元六年

贈司空竇希城碑 開元六年

太子左庶子韋維碑 開元六年

納職令王行碑 開元七年

右武衛大將軍李思訓碑 開元八年 今存

神德寺碑 開元八年

黃門監盧懷慎碑 開元八年

相州刺史竇忠仁碑 開元十一年

大雲寺碑 開元十一年

陶隱居碑 復立碑錄云開元十二年

文蕩律師塔碑 開元十三年

華嶽碑述聖頌 開元十四年 今存

西嶽大洞張尊師碑 開元十四年

端州石室記 開元十五年 今存

重修梁公堰碑 開元十五年

盧舍那珉像碑 開元十六年

張說題立宗御書記 開元十六年

一行禪師塔碑 開元十六年

高祖駐馬佛堂碑 開元十七年

贈吏部尚書蕭灌碑 開元十八年

廣州都督馮君衡碑 開元十八年

贈太尉裴行儉碑 開元十八年

支提龕記 開元十九年

贈號州刺史楊曆碑 開元十九年

華嶽真君碑 開元十九年

平蠻碑 開元十九年

東林寺碑 開元十九年 今存元延祐摹本

誠節公馮昭泰碑 開元二十一年

請立馮公碑表

白石驛碑 開元二十一年

景陽樓下井欄銘并記 開元二十二年

五殺大夫碣 開元二十二年

華山石闕題名 開元二十三年

刺史盧奐廳事讚 開元二十四年

贈太師裴光庭碑 開元二十四年 今存

明皇御注道德經 開元二十四年 今存邢州本

羣臣請立道德經臺奏答

今存

禹廟題名 開元二十五年

東山愛同寺懷道閣黎碑 開元二十五年

華嚴寺元覽律師碑 開元二十五年

西明寺上座智遠律師塔碑 開元二十五年

王仙公廟記 開元二十五年

萬回神迹記 開元二十五年

周太師尉遲公廟碑 開元二十六年 今存

濟源令李公遺愛碑 開元二十六年

石像文并陰 開元二十七年

小字道德經 開元二十七年

李涓德政碑 開元二十七年

開元寺碑 開元二十八年

田琬德政碑 開元二十八年 今存

楊仲昌碑 開元二十八年

淄川令裴大智碑 開元二十九年

左羽林大將軍臧懷亮碑 開元二十九年

侯臺記 開元二十九年

令長新誠 開元二十九年

又

又

開元聖像碑 開元二十九年

韓公井記

卷七

唐

桐柏觀碑 天寶元年

韓賞祭華嶽文 天寶元年 今存

舞陽侯祠堂碑 天寶二年

代州都督薛仁貴碑 天寶二年

小魯真人仙解謠 天寶二載

駙馬都尉豆盧建碑 天寶三載

玉真公主仙居臺碑 天寶四載

河東郡君裴夫人誌 天寶四載

宋公神道碑 天寶四載

貧泉銘 天寶五載

史隱山記 天寶五載

洪福寺彌勒石像碑 天寶五載

尹仁恕闕文并旌表記 天寶五載

尹氏孝德記 天寶五載

貞一先生廟碣 金石錄云天寶六載

濟源令房瑄遺愛頌 天寶七載

乘真禪師靈塔碑 天寶七載

楊弘慶造舍利塔碑 天寶七載

祠三清文 天寶七載

石門湯泉記 京兆金石錄云天寶八載

姜原夫子廟碑 天寶八載

雲臺觀金籙齋頌 天寶九載

雲臺觀三分功德頌 天寶九載

禮部尚書徐南美碑 天寶九載

嶽廟古松詩 天寶九載

華陽頌 天寶九載

戶部尚書章仇兼瓊碑 天寶十載

春申君廟碑 天寶十載

放生池碑 天寶十載

放生池石柱銘 天寶十載

能大師碑 天寶十一載

神德寺彌勒閣碑 天寶十二載

商餘操 黃本驥考系天寶十二載

贈文部郎中薛悌碑 金石錄云天寶十三載

東方先生畫贊 天寶十三載 今存

畫贊碑陰記

貞順皇后武氏碑 天寶十三載

趙說遺愛碑 天寶十四載

法華寺玄儼律師碑 天寶十五載

讀樊丞相傳詩

孫志直碑

興唐寺石經藏贊 天寶中

盧僎德政碑 天寶中

獨孤冊遺愛頌 天寶中

題寶林寺詩

贈太保郭敬之碑 肅宗元年

玄宗登逍遙樓詩 乾元元年

城隍廟記 乾元二年

江陵尹呂公表 乾元元年

崇綯法師碑 乾元二年

蕪州刺史杜敏生祠碑 乾元二年

王粲石井欄記 上元二年

重修文宣王廟記 上元二年

忘歸臺銘

阮客舊居詩

渭南令路嗣恭遺愛表 上元二年

國子司業顏允南碑 京兆金石錄云寶應二年

卷八

唐

雍王遊三門記 廣德二年

贈太保郭敬之廟碑 廣德二年 今存

岑夫人志 廣德中

西林寺題名 永泰丙午 按丙午即大曆元年題名在六月尚未改元也

李氏三墳記 大曆二年 今存

晤臺銘 大曆二年 今存

贈太常卿王仁忠碑 大曆二年

吏部侍郎王廷昌碑 大曆二年

玄靖先生碑 大曆四年 今存

良吏記 大曆四年

傅說廟碑 大曆四年

梁公德政碑 大曆四年

麻姑仙壇記 大曆六年 今存

小字麻姑壇記 今存翻刻本

贈工部尚書臧懷恪碑 大曆中 今存

晉顏含大宗碑 大曆六年

楊仲昌後碑 大曆六年

李庶子泉銘 大曆六年

晉顏含碑銘 大曆七年

贈祕書監程元英碑 大曆七年

宋璟碑 大曆七年 今存

德宗題陝州佛堂院壁詩 大曆七年

顏氏殘碑

項王廟碑 大曆七年

項王碑陰述

令狐彰開河碑 大曆八年

四絕碑 大曆八年

昭義節度薛嵩神道碑 大曆八年

滑臺新驛記 大曆八年

臧氏糾宗碑

千祿字書 大曆九年 今存四川三台重刻本

放生池碑 大曆九年

乞御書放生池碑額表 大曆九年

乞御書放生池碑額表碑陰記 大曆九年

湖州石柱記

贈工部尚書郝玉碑 大曆九年

釋迦像記 大曆九年

商州刺史歐陽瑋碑 大曆十年

刑部尚書李光進碑 大曆十年 今存

甘棠館記 大曆十一年

射堂記 大曆十二年

玄靖先生後碑 大曆十二年

太保昭武公李抱玉碑 大曆十二年

梓州刺史杜濟墓志 大曆十二年

游靈巖瀑布記 大曆十二年

董黯孝子碑 大曆十二年

霍國夫人王氏碑 大曆十三年

王師乾神道碑 大曆十三年

吳季子墓十字碑 大曆十四年 今存

贈司徒馬璘新廟碑 大曆十四年

張敬因碑 大曆十四年

景陽井欄記

夔州都督府長史顏勤禮碑 大曆中 今存

容州都督元結碑 大曆中 今存

縣令盧國遷建碑記 建中元年

顏惟貞家廟碑 建中元年 今存

三藏和尚不空碑 建中二年 今存

復鄂縣記 建中二年

刺史王密德政碑 建中二年

贈太尉杜鴻漸碑 金石錄云建中二年

元德秀墓碣 建中四年

海濤志

咸宜公主碑 興元元年

汾陽王廟碑 貞元二年

章澳遺愛頌 貞元二年

縣令鄭播謁孔子廟題名 貞元三年

說文字源 貞元五年

張常洵孝行碑并門閭勅旌表碣贊 貞元五年

茶山詩并詩述 貞元七年

賀蘭夫人墓誌 貞元七年

潁州別駕王初墓誌 貞元八年

甘棠館題名 貞元八年

辨正禪師塔銘 貞元十年

軒轅鑄鼎原銘 貞元十一年 今存

濟瀆廟祭器銘 貞元十三年 今存

卷僧道源發願文 貞元十四年

修昆明池堰記 貞元十四年

玄宗賜李鍊師詩詔 貞元十四年

董晉碑 貞元十五年 今存

重立王粲石井欄記 貞元十七年

關將軍祠堂記 貞元十八年

復陽武縣記 貞元十九年

總悟上人鍾山林下集序 貞元二十年

楚金禪師碑 貞元二十一年 今存

會稽山神祠堂碣 貞元中

贈越州都督符元亮碑 貞元中

卷九

唐

寶華寺碑 永貞二年

禱聰明山記 元和二年

乘廣禪師碑 元和二年 今存

武侯碑陰記 元和二年 今存

復黃陂記 元和三年

三聖金剛碑 元和三年

韓文公題名 元和四年

京河水門記 元和五年

謁北嶽廟記 元和五年 今存

杜佑郊居記 元和五年

王處士引水記 元和五年

神女廟詩 元和五年

又

晉衛伯玉遺愛碑 元和六年

陽公舊隱碣 元和六年

昭懿公主碑 元和六年

房瑁碑陰記 元和六年

英州南巖亭記并到難篇 元和六年

文

睦州大廳記 元和七年

杜佑賓佐記 元和七年

冠軍將軍烏承玘碑 金石錄云元和七年

魏博節度使田引正家廟碑 元和八年

樊成公澤遺愛頌 元和八年

濟祠亭記并詩 元和九年

修下泊宮記 元和九年

禹廟詩

胥山銘 元和十年

果業寺開洞谷記 元和十一年

千頓先廟記 元和十一年

遊善權寺詩 元和十三年

靈巖瀑布記 元和十三年

章敬寺百巖大師碑 元和十二年

南海廣利王神廟碑 元和十五年 今存

大顛禪師壁記 國初

羅池神廟碑 長慶元年

黃陵廟碑 長慶元年

濟祠西海新亭記 長慶二年

資福院記 長慶二年

少府監胡珣碑 長慶二年

崔能碑 長慶二年

崔立亮遊茅山題記 長慶三年

山南節度韋綬碑 長慶三年

中書令張曲江碑 長慶三年 今存宋天聖重刻本

張九皋碑 長慶三年

江西使院小史記 長慶三年

石室題名 長慶四年 今存

魏博節度使田布碑 長慶四年

新開隱山六洞記 寶曆元年 今存

李翱秦田稅表 寶曆元年

嶺南節度使鄭權碑 寶曆二年

崇文聖祖院碑 寶曆二年

茅山三像記 寶曆二年

三茅山記

玉榮花唱和詩

辨石鐘山記 大和元年

司徒烏重胤碑 大和二年

崔羣先廟碑 大和二年

司馬子微溪記 大和三年

司馬子微坐忘論 大和三年

右補闕陸滂題名 大和三年

薛平增修家廟碑 大和三年

令狐楚先廟碑 大和三年

章敬寺百巖大師靈塔碑 大和三年

丞相王播碑 大和四年

修桐柏宮碑 大和四年

左威衛將軍李藏用碑 大和四年

李澄碑 大和四年

太清宮鐘銘 大和五年

謁華嶽廟詩 大和六年

六譯金剛經 大和六年

昇元劉先生碑 大和七年

高瑀神道碑 大和八年

法華寺詩 大和八年

又

令長新誠

賽陽山文 大和九年

卷十

唐

李文饒題名 開成元年

柳尊師墓誌 開成二年

陰符經序 開成二年

照公塔碑 開成三年

山南西道新修驛路記 開成中

淄王傅元錫碑 開成四年

重模千祿字書 開成四年

贈兵部尚書李有裕碑 開成四年

何進滔德政碑 開成五年

修秦文公廟碑 開成五年

平泉草木記并山居詩 開成五年

龍蓋寺碑 開成五年

桃源山界記 開成五年

唐元度十體書

紫極宮碑 會昌元年

王榮石井欄別記 會昌二年

左神策軍紀聖德碑 會昌二年

李德裕遙傷孫尊師詩 會昌三年

侍巖記 會昌四年

夔州都督府記 會昌五年

會昌投龍文 會昌五年

大孤山賦 會昌五年

杜牧題名 會昌五年

題玄宗御書記 會昌五年

重換司空廟殿記

會昌六年

李石碑

大中初

商於驛路碑

大中元年

贈太師王起碑

大中元年

贈太尉牛僧孺碑

大中二年

張仁憲神道碑

大中二年

今存

新興寺碑

大中二年

寓居石表記

大中三年

吳大帝廟階記

大中六年

嶺南節度韋正貫碑

大中六年

內常侍康約言碑

大中七年

陳司徒告身并捨宅造寺疏序

大中八年

睿宗賜白雲先生書

大中八年

今存

寶稱大律師塔碑

大中八年

元魯山琴臺記

大中八年

崔從碑

大中八年

圭峰定慧禪師傳法碑

大中九年

今存

五夫人堂記

大中九年

鹽宗神祠記

大中十年

閩遷新社記

大中十年

復東林寺碑

大中十一年

勸農勅

大中十一年

杜佑莊居記

大中十一年

福先寺題名

大中十二年

崇聖寺佛牙寶塔碑

金石錄云大中立

戒珠寺記

咸通元年

礮溪廟碑并詩二

咸通二年

贈太尉白敏中碑

咸通三年

尊勝陀羅尼經幢

咸通五年

僧迎殿記

咸通七年

太子太師裴休神道碑

咸通八年

華中允墓誌

咸通八年

沈公夫人馮氏墓誌

咸通八年

開講詩

咸通九年

振武節度使高弘碑

咸通十一年

社稷壇記

咸通十二年

孔岑父碑

咸通十二年

陸文學傳

咸通十五年

興善寺普照大師碑

乾符四年

新立鎮南將軍劉表廟碑

廣明二年

碑陰

杜鵬花唱和詩

乾寧元年

今存

張龍公廟碑

乾寧元年

東溪亭詩

尊勝陀羅尼經幢

瘞鶴銘 今存

觀音寺古篆

又

律藏院戒壇記

佛馱舍利記

淨槎寺八紀詩

霍公修齋記

薛萃唱和詩

周

楊凝式并題名詩 廣順二年

南唐

天王像記 昇元六年

雙溪院碑 保大十三年

般若心經


宋

小篆千文 建隆元年

紫陽宮石磬銘 建隆二年

陰符經 乾德四年

睦州大廳記



集古錄目卷二

宋廬陵歐陽棐撰

賜進士出身翰林院編修

國史館纂修江陰繆荃孫校輯

秦

祀巫咸文

篆書俗謂之詛楚文蓋楚兵來伐而禱神之祠也首稱穆公與楚成王有盟好而楚王熊相倍十八世之約以世家推之楚白成王十八世而至頃襄王秦自穆公十八世而至惠文王惠文王末年與楚數相攻伐疑當時之所作也

寶刻叢編

之眾山刻石

凡二十一字文與史記所載二世詔同而不完或傳其文刻於木片麻温故學士得之於登州海上疑後人所傳模也

寶刻

叢編

漢

王君闕

隸書曰漢故兗州刺史雒陽令王君之闕而王君下亦缺二

字

景君碑

景君石槨銘附

右隸書不著書撰人名氏文字訛缺其首曰惟元元下缺二字蓋其年號也又曰謁者任城景君卒其餘雖時有完者不可考矣景君石槨銘附其文曰惟元初四年三月丙戌景君卒以五年二月葬又曰司空太常博士舉高經君為其元其後遂曰以病喪身蓋文多訛缺此其粗可見者也皆在任城

隸釋

袁良碑

隸書不著書撰人名氏良字厚卿陳國扶樂人也歷議郎符節令嘗為三老其額曰國三老袁君碑碑以永建中立在今

開封扶溝

寶刻叢編

北海相景君碑

右隸書不著書撰人名氏景君任城人嘗為北海相終於益州太守碑文歷歷可見而不著君之名字蓋北海故吏諸生之所立也漢安二年立在任城

隸釋

武班碑

右不著撰人名氏嚴祺字伯魯隸書君名班字宣

下缺一敦煌

人碑以建和元年立今其文字磨滅姓名鄉里粗得其髣髴而官爵事迹皆不可復知矣隸釋

司隸校尉楊君頌

右隸書不著書撰人名氏文為韻語然其事迹粗可考見其所頌者楊君復余谷之路也永平中始詔開余谷中閒西羌亂道絕不通復由于午谷險阻為患司隸校尉犍為武陽楊厥孟文請廢子午道復由余谷建和二年漢中太守王升稚紀為之刻石頌德其所云余谷者蓋斜谷也漢人用字多從省文如此耳碑在興元隸釋

張公神碑按集古錄作張公廟碑

隸書不著書撰人名氏字多譌缺雖事迹粗可見而不復成

文其閒有銘辭凡三首漢朝歌長鄭彬以和平元年為張公立碑於廟又為監黎陽營謁者李君作歌九章同刻其後有李君等題名亦譌缺不可辨矣在黎陽縣隸釋寶刻叢編

張公廟碑陰

右凡二本皆隸書前本皆稱舊吏門生後本皆諸曹史騎吏及萬年蓮勺等鄉有秩各有所出錢數隸釋

孔子廟置卒史碑

隸書不著名氏其奏曰司徒雄司空戒言前魯相瑛言孔子廟褒成侯四時祀已即去有禮器無常人掌領乞置百石卒史出王家錢給饗禮元嘉三年奏制曰可司徒司空下魯相承書從事選年四十通經藝者永興元年相平等言司徒司

空府除文學掾魯孔龢如牒并為贊刻於後吳雄河南人字季直趙戒成都人字意伯瑛姓乙字少卿平原高唐人實刻叢編

碑在兖州隸釋

孔德讓碣

隸書不著書撰人名氏孔君名缺德讓其字也孔子二十世孫仕至郡諸曹史碑以永興中立在孔子墓林中寶刻叢編

韓勅造禮器碑

隸書不著書撰人名氏據碑孔子舅顏氏居魯親里并官聖妃居安樂里勅字叔節魯相河南京人復其里中繇役以尊孔子孔子廟舊藏車見毀於秦項之際勅修立宅廟造祖桓瑟鼓之屬更作二輿時桓帝永壽二年也寶刻叢編碑在兖州隸釋

郎中鄭固碑

右漢隸無書撰人名氏固字伯堅延熹中仕至郎中隸釋

樊常侍碑

右漢隸不著書撰人名氏常侍名安字子佑南陽湖陽人官至中常侍追贈騎都尉此碑并追贈制書同刻以延熹三年

立在唐州湖陽縣隸釋

孫叔敖碑

右漢隸不著書撰人名氏叔敖事迹著於史傳然皆謂之叔敖而已獨此碑言其名饒叔敖乃字也其他事迹與史傳同延熹三年期思令光碑亡其姓為之立廟及此碑在光州隸釋

封邱令王元賞碑

隸書不著書撰人名氏碑以延熹四年立王君賞爲封邱令
辟司空府元賞其字也碑已漫滅元賞之名及其鄉里皆不
可見故以其字稱之寶刻叢編

衙令修廟題名

衙令修廟題名最完可見者曰朔方臨戎孫羨太守仇君察
孝廉遷衙令到官立祠刊石其後列時人姓名所出錢數然
亦不言所立爲何祠也碑延熹五年立隸釋

桐柏廟碑

右漢隸不著書撰人名氏南陽太守盧奴碑缺不見姓君延熹六
年重修桐柏廟作此頌桐柏淮源也碑在鄧州隸釋

祝睦碑

右漢隸不著書人名氏睦字元德濟陰己氏人桓帝時官至
山陽太守碑以延熹七年立在南京虞城縣隸釋

孔宙碑

隸書不著書撰人名氏孔君名宙字季將孔子十九世孫後
漢桓帝時爲泰山都尉以疾致仕碑以延熹七年立寶刻叢編

兗州隸釋

孔宙碑陰

右泰山都尉孔宙碑陰題名凡六十二人其四十三人稱門
人八人稱故吏一人稱故民十人稱弟子皆隸書不著書人

名氏隸釋

老子銘

右漢陳相邊韶撰字爲隸書不著名氏世以爲蔡邕書據碑
延熹八年八月桓帝夢見老子尊而祀之韶時典其禮因而
爲銘碑在亳州衛真縣太清宮隸釋

西嶽廟碑

右不著撰人名氏書佐郭香察隸書延熹四年弘農太守袁
逢以嶽廟故碑磨滅改立碑作銘會遷爲京兆尹後太守孫
璆成之碑以延熹八年立在華嶽其後有唐人題名隸釋

祝睦後碑

右漢隸不著書撰人名氏睦故吏王堂等所立其所敘述與
前碑同在南京虞城縣隸釋寶刻叢編

堯祠祈雨碑

右孟府君堯祠祈雨碑隸書不著書撰人名氏碑以延熹中
立在曹州濟陰隸釋

田君碑

右漢隸無書撰人名氏田君名字皆缺亡不可見東平陽人
也延熹中太山琅邪盜起以選爲費令碑以永康中立在沂
州隸釋

魯相晨孔子廟碑

右建靈二年魯相晨長史謙表言臣到官謁孔子宅而無公
出酒脯之祠輒依社稷出王家穀春秋行禮以事上尙書并
有銘辭皆隸書在兗州隸釋

張壽碑

右漢隸不著書撰人名氏壽字仲吾官至竹邑侯相碑以建

宣元年立

釋隸

出師冀州從事張表碑出王宋隸春林行誦以事上尚書

隸書不著書撰人名氏君諱表字元異嘗為冀州從事從去

官不仕而終建**宣**元年立在冀州

寶刻叢編

金鄉長侯君碑

右隸書不著書撰人名氏君名成字伯盛山陽防東人碑以

建**宣**二年立

釋隸

衡方碑

右隸書不著書撰人名氏方字興祖平陸人位至步兵校尉

碑以建**宣**中立

釋隸

沛相楊君碑

右不著書撰人名氏楊君震之後也孝順帝時以掾史召拜

郎中累遷沛相建**宣**中卒碑為隸字首尾不完失其名字矣

碑在閩鄉震墓側

釋隸

楊君碑陰題名

右不著書人名氏碑首尾不完今可見者四十餘人各有所

出錢數楊氏數世皆葬閩鄉此碑有稱後公門生者有稱沛

君門生者不知何人碑陰也後公義不可知沛君所謂沛相

者也碑在陝府閩鄉

釋隸

慎令劉君墓碑

南京不昌碑

右隸書不著書撰人名氏劉君名氏缺有其字曰伯麟仕至

慎令弃官終於家其卒葬之年月缺滅不明而隱隱可見疑為建寧四年也碑在南京下邑縣釋隸

孔君碑

右隸書不著書撰人名氏孔君名缺不可識其字曰元上孔子十九世孫官至河東太守碑以建寧四年故吏王沛等立

在兗州釋隸

郭中候碑

右隸書不著書撰人名氏中候名已磨滅不可見而字有其字曰奇河內汲人仕至北軍中候碑以建寧五年立在


河陽釋隸

郟閣頌

右不著撰人名氏漢仇紉隸書據碑所載析里郟閣皆地名也其地有溪水漂溢為患太守阿陽李會使衡官掾仇審作大橋於析里以建寧五年立此頌在興元釋隸

堯母碑

右隸書不著書撰人名氏堯母慶都葬於成陽立黃屋其上謂之靈臺歷代常奉祠之至王莽而絕後漢故廷尉碑缺姓名請於朝復立其廟及濟陰太守審晃修營之以建寧五年立此碑在曹州濟陰釋隸



集古錄目卷二

集古錄目卷二

宋廬陵歐陽棐撰

賜進士出身翰林院編修 國史館纂修江陰繆荃孫校輯

漢

繁陽令楊君碑

隸書不著書撰人名氏殘缺不完不見其名字其可見者曰

富波君之小子據楊震碑富波相名牧震之子也碑以熹平

中立碑在陝府閩鄉

隸釋 寶 刻叢編

周府君碑

隸書不著書撰人名氏韶州圖經云郭蒼撰桂陽有瀧水人

患其險太守下邳周憬字君光頽山鑿石以通之延熹三年

故吏區祉刻石以紀功并祉等故吏題名者三十二人在韶

郎中王君碑

右隸書不著書撰人名氏碑石刻缺其閒可見者曰季輔漢中太守之孫餘不復可讀而其額曰漢郎中王君之銘故知其姓名官闕耳

隸釋

樊毅西華山亭碑

右隸書不著書撰人名氏據碑光和元年弘農太守河南樊毅字仲德初至郡親祠西嶽以其齋室逼窄使縣令胸忍先讜繕治之明年正月己卯而就立此碑

隸釋 寶刻叢編

樊毅修西嶽廟復民碑

右隸書不著名氏弘農太守樊毅上尚書表也毅使從事荀班華陰令先讜繕治華嶽廟并復華下十里民田租口算以

其事表上光和二二年也碑久堙沒唐興元元年華陰令盧倣求得而為之記八分書於碑末在華嶽廟中

隸釋 寶刻叢編

樊毅修華嶽廟碑

隸書不著書撰人名氏光和二二年華陰太守樊毅修嶽祠記也并唐貞元三年檢校太子庶子董叔經等十五人題名附

寶刻叢編在華州

隸釋

殺阮君神祠碑

隸書不著書撰人名氏中條山有石隄樹谷嘗漏溢為患故立殺阮泄其水注之於渭自前漢時立廟以祠之其後阮稍堙塞廟亦毀廢後漢鄭縣令裴暉字君光復浚阮立廟碑以光

和四年六月立并縣丞夏龔等題名者六十三人在華州

鄭縣隸釋寶

無極山神廟碑

右隸書光和四年太常執丞敏表上尚書言中山男子高遷

等按集古錄作常山為無極山索法食乞少府給珪璧制曰

可後有銘辭在定州隸釋

豪長蔡君頌

右不著書撰人名氏字為隸書君名湛字子德河內修武人

碑以光和中立在鎮府隸釋

北嶽廟碑

右隸書不著書撰人名氏文字磨滅不可悉考其中有稱光

和四年元氏左尉上郡瑋者其意若瑋被選舉而立此銘以

報神貺在定州隸釋寶

敬仲碑

右隸書不著書撰人名氏碑石刻缺其人之名氏皆不可知

而碑首有敬仲二字故以為名其間有云拜治書侍御史又

曰光 and 四年卒其他不可詳也隸釋

無名碑

右隸書不著書撰人名氏漢司隸從事之碑以光和四年立

文字缺滅亡其姓名鄉里故謂之無名碑隸釋按集古錄

文大槩同隸釋分為二碑殊不可解

唐君碑

右隸書不著書撰人名氏唐君名缺字正南潁川鄆人歷潁

南陽令遷豫章最後徙昌陽令故從事等刊石立頌中間文字或完或缺不得其詳其後又題曰處士閻缺一斑戀念唐君爲立碑表蓋去思碑也光和六年立隸釋

朱龜碑

右不著書撰人名氏字爲隸書龜字伯靈廣陵人官至幽州

刺史碑以中平中立碑缺不見年數在亳州隸釋

司隸從事郭究碑

隸書不著書撰人名氏究字長缺一汲人也官至司隸從事

碑以中平元年立在河陽隸釋寶

太尉劉寬碑

右漢隸不著書撰人名氏寬字文饒弘農華陰人靈帝時官

至太尉封遂鄉侯謚曰昭烈此碑故吏李謙等所立在洛陽

隸釋寶

太尉劉寬碑陰

右隸書故相國別部司馬王曜等數百人皆有所出錢數劉寬故吏共爲寬立碑因記於碑陰唐咸亨元年寬十五世孫湖城公爽重立此碑又爲記刻於後不著書人名氏又有寬子松碑陰題名漫滅不見者今過半矣皆在洛陽隸釋

太尉劉寬別碑

右漢隸不著書撰人名氏寬門生殷苞等立不知所立年月

在洛陽

縣書南陽太守秦君碑其碑書刻不可辨乘勝斷矣日莫

隸書不著書撰人名氏其碑皆漫滅不可讀篆額獨完曰漢故南陽太守秦君之碑在南陽縣寶刻叢編

小黃門譙敏碑寶刻叢編

隸書不著書撰人名氏君名敏字漢達碑以中平四年立隸釋

寶刻叢編文翁石柱記

右漢隸不著書撰人名氏初文翁為蜀郡守始立學校至安

帝永初中以火災被焚惟廟門兩石闕獲存獻帝時太守高

朕重修立之又於其東別築周公禮殿碑以初平五年立在

益州隸釋

益州隸釋 綏民校尉熊君碑

綏民校尉熊君碑

右隸書不著書撰人名氏熊君名喬字舉舉上一字缺不可

識後漢末為桂陽曲紅長拜綏民校尉遷騎都尉灌陽長而

卒其銘辭之後又曰長沙茶陵長文春字季秋重安侯相杜

暉字慈明皆略有所敘述碑以建安二十一年立隸釋

楊震碑

右隸書不著書撰人名氏其前不完碑首題曰漢太尉楊公

神道碑銘震安帝時位至太尉碑在陝府閩鄉縣隸釋

楊震碑陰題名

右隸書不著書撰人名氏題名百九十餘人皆著鄉里姓字

而不名在漢太尉楊震碑陰隸釋

梁相費君碑

隸書不著書撰人名氏君名汎字仲慮官至梁相碑不載其

鄉里及刻石年月隸釋寶刻叢編

堂邑令費鳳碑陰

石勛撰隸書不著名氏鳳字伯簫漢安中歷守故鄣堂邑長

勛自稱鳳舅家中孫文悉為五字句不著所立年月隸釋寶刻叢編

編

俞鄉侯季子碑

右隸書不著書撰人名氏君名熊字孟孟下缺一字廣陵海

西人漢之宗室父封俞鄉侯此其德政碑也但曰來居此邦

而不書其郡縣之名不著所立年月在今揚州隸釋寶刻叢編

周伯著碑

右其字畫如隸書而甚古怪又多磨滅伯著者莫知為何人

其時事亦不可考但其文有曰伯著者渤海君玄孫季景長

子而其額曰周末嗣某氏某字不可識襲興興上又缺一字渤海

君玄孫伯著之碑而已然則周亦非伯著之姓也碑在宿州

隸釋

元節碑

右隸書不著書撰人名氏君名立字元節出于伊尹之後其

姓氏爵里卒葬之年月皆不可辨然其隸字甚古所以知為

漢碑也隸釋

太尉陳球碑

右隸書不著書撰人名氏球字伯真後漢光和中位至太尉

不知所立年月

釋隸

武榮碑

右漢隸不著書撰人名氏榮字含和桓帝末官至執金吾丞

碑不書其鄉里及卒葬年月

釋隸

唐公昉碑

右不著書撰人名氏公昉成固人碑不書其姓名公昉乃字

也者舊相傳云公昉以王莽居攝中及其妻子室屋牛馬皆

升天後漢漢中太守郭芝修其廟立此記不知所立年月在

興元

隸釋寶刻叢編

郭輔碑

隸書不著書撰人名氏書字甚古蓋漢碑也輔字輔成荊州

人碑在穀城縣

釋隸

曹騰碑

右漢隸不著書撰人名氏騰桓帝時官至中常侍長樂大僕

封費亭侯追加兼諫議印綬碑無所立年月在亳州

釋隸

高陽令楊君碑

隸書不著書撰人名氏首尾不完不見名字據碑嘗為高陽

令最後為善侯相而碑額但曰高陽令楊君碑據楊震

碑高陽令名著震孫也

寶刻叢編碑在陝府閿鄉

釋隸

劉曜碑并陰

右隸書不著書撰人名氏曜字季尼東平無鹽人仕至光祿

勳碑缺不見其卒葬年月碑陰有門生故吏題名及所出錢

數在鄆州

隸釋

漢故永樂少府賈君闕

漢故永樂少府將作賈君之闕碑為篆書將作下二字殘缺

不可識

寶刻叢編

文翁石室學生題名

不著書人名氏文翁題名可見者凡一百三十人

輿地碑目

宗資墓天祿辟邪字

篆書四字後漢宗資墓前有二石獸刻其膊上

寶刻叢編

楊氏碑陰題名

右隸書凡故吏故民處士等百有餘人

寶刻叢編

在閩鄉楊氏墓

側碑陰

隸釋

楊氏碑陰題名

右漢隸無名氏題名可見者十五人皆稱故吏在閩鄉楊氏

墓側不知何人碑陰

隸釋

楊氏碑陰題名

右隸書殘缺不完其可見者數十人在陝府閩鄉楊氏墓側

隸釋

楊氏碑陰題名

右隸書不知其為何碑之陰無書人名氏刻石年月

隸釋

楊氏殘碑題名

首尾殘缺存者四十餘人


隸釋

石殘碑

右隸書今殘缺之餘所存者數十字而有其名字曰高字幼
德其他皆不可知也

隸釋

集古錄目卷二



集古錄目卷三

賜進士出身翰林院編修 國史館纂修江陰繆荃孫校輯

魏

受禪表

隸書不著書撰人名氏世傳以爲鍾繇書或以爲梁鵠書文
帝黃初元年爲壇於繁昌以受漢禪碑不著所立年月在許

州文帝廟中

隸釋 寶刻叢編

公卿上尊號奏

隸書不著書撰人名氏與受禪壇記同漢既禪位文帝未受
相國安樂鄉侯華歆等上表勸進在許州

隸釋 寶刻叢編

魯孔子廟碑

右不著書撰人名氏字爲隸書魏文帝黃初二年封議郎孔
羨爲宗聖侯奉孔子祀詔魯立廟置吏卒守衛魯人立此頌
碑在兗州隸釋

大饗碑

右隸書不著書撰人名氏亳州圖經以爲梁鵠書魏文帝初
卽王位將伐吳南行至譙饗軍士耆老于故宅此碑其元年
上兩字缺不可見當爲延康元年也在亳州魏帝廟中隸釋

橫海將軍呂君碑

隸書不著書撰人名氏額題魏故橫海將軍章陵太守都鄉
侯呂君之碑名字殘缺云博望人也其先四嶽出自炎帝以
黃初二年正月薨年六十有一碑在南陽縣寶刻叢編

范式碑

右隸書不著書撰人名氏額式字巨卿山陽金鄉人後漢時
官至廬江太守獨行之士也此碑文字斷缺其字及鄉里皆
不可見魏青龍三年縣長薛名缺爲之立廟建碑在金鄉隸釋

賈逵碑

隸書不著書撰人名氏逵字安道河東襄陵人明帝時官至
建威將軍豫州刺史故從事吳康等立此碑寶刻叢編

劉熹學生冢碑

隸書文字磨滅不完其間有稱大魏者又曰濟南劉熹字德
怡而最後有學生名百餘人并列其所授諸經襄州圖經曰
熹嘗爲穀城令學者多往從之其受業未終而沒者悉葬之

謂之學生冢此碑是也在穀城縣學生冢傍寶刻叢編

吳景對齊學士百籍人地其地對齊縣城圖

谷朗碑

隸書不著撰人名氏朗字義先桂陽耒陽人仕至九真太守

歸命侯鳳皇元年四月卒年三十四碑在耒陽縣寶刻叢編

國山封禪碑

不著撰人名氏中書東觀令史立信書中郎將蘇建篆額歸

命侯天冊元年得玉璽於吳興文曰吳真皇帝遂改明年元

為天璽刊石告禪於國山之陰其所述瑞應凡千有二百餘

事輿地碑目寶刻叢編

巖山紀功碑

篆書不著名氏今其文字斷續不可悉攷有曰天璽元年者

其餘大抵言天錫讖命之意按吳歸命侯天璽元年歷陽山

石成文刻石作頌此當是也寶刻叢編

臨海谷侯碑

隸書不著書撰人名氏碑亦無年月不知何時立也在耒陽

輿地碑目

晉

鄭烈碑

隸書不著書撰人名氏烈字休林滎陽人官至兖州刺史輕

車將軍東莞侯拜議郎贈右將軍諡曰僖故吏殿中監申楊

等立此碑以太康四年立寶刻叢編

議郎陳先生碑

隸書不著書撰人名氏碑字斷缺其可見者曰延潁川許昌人不知其為名與字也其額曰晉故議郎陳先生碑元康二年門生尹舍等立

寶刻叢編

吳陸禕碑

隸書不著書撰人名氏禕字元容吳郡吳人仕吳至征北將軍海鹽縣侯碑以東晉泰寧二年立

寶刻叢編

陸階碑

隸書不著書撰人名氏階字公聲禕之子也東晉初官至宣城內史前將軍碑以咸和七年六月立

寶刻叢編

黃庭經

凡三本無書人名氏前二本大約相類題云永和十二年山陰縣寫石在越州後一本其後不完不知石所在

寶刻叢編

南鄉太守司馬整碑并碑陰

晉南鄉太守碑不著書撰人名氏碑云君諱整字孔修太宰安平王之孫太尉義陽王之子今在光化軍軍即襄州穀城

之陰城鎮

輿地碑目

紀穆侯碑

凡二十四字曰晉故僕射散騎常侍驃騎大將軍開府儀同

三司紀穆侯之銘

寶刻叢編

尉氏令陳君碑

隸書今碑已殘缺不可悉考其可見者曰字道臧太尉掾之

小子其額曰晉尉氏令陳君碑以此知其官及姓氏也寶刻叢編

張平子碑陰頌

南陽相夏侯湛撰隸書不著名氏湛因行縣至西鄂過衡墓

刻此頌於碑陰寶刻叢編

文翁石室左右生題名

晉宋閒碑輿地碑目

宋

太祖文皇帝神道碑

宋文帝碑輿地碑目

宗愨母劉夫人墓志

不著書撰人名氏愨仕宋為散騎常侍荊州大中正洮陽縣

侯夫人姓劉氏碑以大明六年立寶刻叢編

慧遠法師碑

謝靈運撰張野序不著書人名氏慧遠姓賈氏雁門人東晉

末居于東林碑在廬山輿地碑目寶刻叢編

齊

桐柏山金庭館碑

南齊征虜將軍南清河太守司徒左長史揚州錄事沈約造

揚州刺史驃騎記室兒珪之書據記稱永泰中定居桐柏嶺

因地名建館曰金庭宮命置道士十人而已為之首蓋道士

自敘之言非約所撰其謂之造者疑如後世立碑之類爾碑

以永元三年立輿地碑目寶刻叢編

海陵王墓誌

長兼中書侍郎謝朓立不著書人名氏海陵王名昭文文惠太子之子明帝廢其子鬱林王而立之在位一年又廢為海陵王

寶刻叢編

梁

檀溪寺禪房碑

信威主簿劉之遴序記室參軍鮑焯銘前輔國郡都

案郡都二字疑

誤曹參軍許璠書檀溪寺者東晉人張殷捨宅所立咸安中

沙門道安重建宋元嘉二十五年有西域浮屠又建禪房於池水之東其地逼隘梁天監四年勅別給池西之地移而立

之碑以天監十一年四月立

寶刻叢編

許長史舊館壇碑

隱士陶弘景撰其前題曰弟子華陽隱居丹陽陶弘景謹造其傍又題曰此一行隱居手自書其文不知誰所書也弘景

學道句曲山中有晉許長史故居壇塔為之記頌碑額又有

四字曰天靈聖明不知為何語也在茅山

寶刻叢編案諸道石刻天監十七

立年

開善寺知藏法師碑

新安太守蕭幾撰序湘東王繹撰銘尚書殿中郎蕭挹書法師姓顧氏吳郡吳人居鍾山開善寺碑以普通三年九月立

寶刻叢編

招隱刹下銘

晉安王綱撰不著書人名氏招隱寺刹王所建也王後卽位是爲簡文帝碑以普通三年九月立輿地碑目寶刻叢編

茅君碑并兩側題名

不著撰銘人名氏茅山道士孫文韜書領道士正張繹集茅山記茅君九錫文而刻之因爲之銘碑以普通三年立在茅

山寶刻叢編

羅浮山銘

廣州刺史河東王蕭缺名撰參軍蕭世貞書中大同元年立寶刻叢編

叢編

陳

尼慧仙銘

碑首稱安東諮議參軍而其下缺滅不見撰者姓名宣城王

國常侍陳景哲書慧仙姓石氏譙人也爲尼居隱福寺碑以

天嘉元年立寶刻叢編

後魏

張善碑

不著書撰人名氏善字缺二趙郡平棘人隱居學佛老之說

召拜輔國將軍不受碑以太延四年立寶刻叢編

大代華嶽廟碑

不著撰人名氏後魏鎮西將軍略陽公侍郎劉元明書太延中改立新廟以道士奉祠春祈秋報有大事則告碑以太延

五年五月立寶刻叢編

修華嶽廟碑

不著書撰人名氏後魏興光元年詔遣侍中遼西王常英析曹尚書苟尚等重葺嶽廟二年立此碑

寶刻叢編

弔比干文

隸書不著名氏據碑稱遷中之元載北屆衛壤觀比干之墓因弔之而其額曰皇帝弔殷比干文然則後魏孝文帝之所作也碑以太和十八年十一月立

寶刻叢編

孔子廟碑并祭文

不著書撰人名氏初孔子北適趙聞鳴犢見殺而還晉人思之立廟於其地後魏太和中懷州刺史茹清龍使河內太守達頭素和增葺立記又有延興四年祭文稱太上皇帝告宣

尼之靈者文成帝也

寶刻叢編

定鼎碑

不著撰人名氏後魏鎮遠將軍通直散騎常侍沈馥書宣武帝講武于洹衛之間命近臣馳射帝發矢遠及里餘侍中崔光等講為銘記之其首曰定鼎遷中之十年俗因謂之定鼎碑以景明三年十月立

寶刻叢編案金石錄謂之御射碑

兖州刺史羊使君碑

不著書撰人名氏羊君名缺不可見而有其字曰靈引太山平陽人也為京兆王愉長史愉將反君不從見殺贈兖州刺史諡曰威碑以熙平二年立

寶刻叢編

不著刺史崔亮至化頌

不著書撰人名氏其額曰定州刺史崔使君至化之頌亮字敬儒齊國磐陽人長史馮時等立此碑碑石漫滅亡其年月

寶刻叢編 案金石錄神龜三年正月立

神龜造像碑

恆嵩撰不著書人名氏河內縣民造石碑像記題名者數十

人皆稱侍佛碑以神龜三年立

寶刻叢編

造五級浮圖碑

不著書撰人名氏後魏汲郡朝歌雍城里人張醜和等共造

五級浮圖以正光二年刻石其後有比丘僧題名

寶刻叢編

楊魏仁造老子釋迦文像記

不著書撰人名氏正光三年楊魏仁造

寶刻叢編

僧會碑

不著書撰人名氏僧會名集安定朝邨人碑缺亡其姓氏仕

至左衛大將軍贈侍中司空碑以正光四年立

寶刻叢編

斛斯正碑

不著書撰人名氏正字貸敦河南洛陽人仕後魏至驃騎大

將軍贈侍中司徒諡武昭碑以永熙二年立

寶刻叢編

賀拔岳碑

不著書撰人名氏拔岳桑乾馬邑人也後魏末為雍州刺史

都督三雍二華二十州諸軍事諡曰武壯碑以永熙三年正


月立

寶刻叢編

不著書撰人名氏

不著書撰人名氏題曰魏平西將軍太原太守王府君釋迦
彌勒二像碑府君名備字道賓太原人嘗有遺誠使刻石立
像於其墓前其子洛州長史聿始造二像立此碑

寶刻叢編



集古錄目卷三

集古錄目卷四

宋廬陵歐陽棐撰

賜進士出身翰林院編修 國史館纂修江陰繆荃孫校輯

東魏

趙貴碑

不著書撰人名氏貴南鉅鹿瘦陶人仕東魏至本郡太守贈

殷州刺史碑以天平二年立

寶刻叢編

相州刺史徐雅碑

不著書撰人名氏雅字安市高平金鄉人孝昌中邊城叛亂
為平朔戍主假輔國將軍城陷而死追贈鎮軍將軍相州刺

史碑以天平二年立

寶刻叢編

造寺碑

隸書不著書撰人名氏寺後魏太武帝所立東魏天平中中
軍將軍元景康重修不知其爲何寺也

寶刻
叢編

造石像記

不著書撰人名氏石像邑人所共造廬江太守逢榮刻銘以
興和二年立此碑

寶刻
叢編

三家寺碑

不著書撰人名氏

缺地
名

人董興壽等造佛像於三家寺以興

和二年立此碑

寶刻
叢編

張奢碑

不著書撰人名氏殘缺尤甚奢之字及鄉里皆亡其可見者
以興和三年葬爾其額曰魏故渤海太守張君碑以此又知

其官爵姓氏也

寶刻
叢編

造石觀音像記

不著書撰人名氏武定元年平南將軍焦永安造

寶刻
叢編

比邱曇妙等造像記并題名

不著書撰人名氏武定三年比邱曇妙等造

寶刻
叢編

造石塔記

不著書撰人名氏魯郡白源寺沙門志紹村人劉志義等造
石塔武定四年刻此記其後題名者百餘人

寶刻
叢編

造石像記

不著書撰人名氏陽翟郡防境大都督石文達等爲太守敬
曦造像碑以武定七年立

寶刻
叢編

後齊

九級塔像銘

不著書撰人名氏天保三年眾造九級塔像之碑也其間多

稱後魏年號

寶刻叢編

李威碑

不著書撰人名氏威字鍾葵趙郡柏仁人此碑字畫古怪不

可悉辨額曰大齊府君李公之碑以天保九年立

寶刻叢編

鳴球山禪房記

不著書撰人名氏前有比邱邑子題名其後有頌亦無書撰

人名氏皆北齊人造經像立浮圖記也鳴球山未詳所在碑

以河清元年立

寶刻叢編

三像頌

不著撰人名氏東豫州參軍宋元進書河清二年邑主宋士

端等造釋迦定光彌勒三佛石像作此頌其後有東豫州中

兵外兵參軍宋欣雋等數十人題名

寶刻叢編

造石浮圖記

不著書撰人名氏建州長史馮文顯等造石浮圖以河清三

年刻此記題名者稱維那或稱佛主左右菩薩東西堪主其

稱號甚多凡百七十餘人

寶刻叢編

龍華寺浮圖碑

不著書撰人名氏據碑稱維那劉顯等於雙井村共造龍華

浮圖一區爵離一區碑以武平元年立釋氏謂寺為爵離北

朝石刻往往有之

寶刻叢編

曹公碑

隸書其文之亡者過半書撰之人與公之名字鄉里皆不可見公後魏人也孝昌中官至散騎常侍其子顯於齊為侍中追贈公鴻臚卿趙州刺史諡曰宣以武平元年立此碑碑之所存如是而已

寶刻叢編

唐邕造佛文

散騎常侍中書侍郎李德林撰通直常侍中書舍人姚淑隸書驃騎大將軍錄尚書事唐邕造佛像三萬二千軀以武平

五年立此碑

寶刻叢編

造像記

武平五年張買等造像記有銘辭及題名不著書撰人名氏

寶刻叢編

唐邕造寺碑

隸書不著書撰人名氏北齊錄尚書事晉昌王唐邕造四生咸覺寺之記也不著所立年月

寶刻叢編

永樂十六角題名

不著書人名氏刻石年月不知為何所立

案集古錄云似是東魏北齊人所書

永樂十六角者浮圖也題名凡二百餘人

寶刻叢編

恆山義七級碑

不著書撰人名氏七級者浮圖也義者蓋邑人為眾所造若義井也碑首題云慕容儀同麴常山義七級之碑據文常山

太守綦連公以天保九年造浮圖其後慕容樂麴顯貴相繼
爲太守而增葺之也綦連公不知其名寶刻叢編

後周

靈塔頌

不著書撰人名氏周大都督勳州諸軍事勳州刺史萬紐于
實所立塔頌也以保定元年立寶刻叢編

河瀆廟碑

車騎大將軍王褒撰車騎大將軍趙文淵奉勅書字爲隸體
初北齊天統十六年周文帝請立四瀆廟於華山郡使郡守
楊子所營建武帝朝晉公護秉政廟在其封內又增修之而
立此碑以天和二年十月立寶刻叢編

降魔寺碑

後周鄆國公府長史拓跋崇奉教撰總管府賓曹謝威奉教
書降魔寺者鄆國公宇文寬之所建碑以建德二年立寶刻叢編

韋孝寬碑

不著書撰人名氏孝寬字孝寬京兆杜陵人仕至相州總管
封鄆國公贈雍州牧諡曰襄碑以大象二年立寶刻叢編

于仲文紀功碑

不著書撰人名氏碑文爲對偶述事不明又但稱延壽公而
無姓名今以北史考之周大象二年尉遲迴兵起於鄴分遣
部將所在攻下城邑東郡太守延壽公于仲文棄郡奔關中
拜總管還擊迴軍取梁郡敗其將檀讓於武成斬席毗羅於

金鄉與此碑同蓋仲文紀功碑也大象二年立

寶刻叢編

隋立北齊造像記

北齊仁州刺史黃門郎劉狄之撰不著書人名氏邑人趙紹等造佛像記也不著所立年月據記稱為大齊而其後又題曰隋潞州司馬薛邈侍佛乃知隋人所追建也

寶刻叢編

興國寺碑并陰

內史李德林撰襄州祭酒從事丁道護書文帝父忠當魏周之際嘗將兵南定襄漢及帝即位建此寺以祈福碑以開皇

六年正月立

寶刻叢編

龍藏寺碑

齊開府參軍張公禮撰不著書人名氏隋大威公世子恆州刺史鄂國公金城王孝僊

按碑作僊

奉敕率州民萬人共立此寺碑首題曰鄂國公為國勸造龍藏寺碑以開皇六年立寺今廢碑在真州府門下

寶刻叢編

造龍華浮圖碑

不著書撰人名氏趙郡平棘人范氏等共造浮圖以開皇七年立此碑在平棘縣

寶刻叢編

景陽樓下井銘

隋煬帝作文帝開皇九年煬帝以晉王為元帥伐陳滅之後主與張麗華自投於井帝為銘刻於石井欄以為戒

寶刻叢編

梁洋建塔表德政碑

不著書撰人名氏息州參軍裴玉等為刺史梁洋建塔以表

德政碑以開皇十一年立在新息縣寶刻叢編

九門令李康清德碑寶刻叢編

隴西狄道人仕隋為冠

隸書不著書撰人名氏康字和字一

軍將軍大中帥都督恆州九門縣令縣民張老生等為之頌

德以開皇十一年二月立寶刻叢編

正解寺碑

隨昌劉鼎卿撰不著書人名氏寺本後魏宣武帝以七廟所

立謂之七帝寺至周被廢隋文帝時復興佛法定州贊治崔

子石捨以為寺賜石正解碑以開皇十二年四月立寶刻叢編

聖眾寺真應禪師碑寶刻叢編

不著書撰人名氏其額曰聖眾寺真應禪師妙德碑真應漢

蓋延之後也以開皇十七年立寶刻叢編

蒙州普光寺碑

蒙州普光寺碑蒙州者漢南陽郡之育陽縣也碑以仁壽元

年建無書撰人名氏而筆畫道美玩之忘倦蓋開皇仁壽以

來碑碣字畫多妙而往往不著名氏惟丁道護所書嘗著之

然碑石在者尤少余每與蔡君謨惜之自大業以後率更虞

世南妙盛既接於唐遂大顯輿地碑目

啟法寺碑

儀同三司周彪撰襄州從事丁道護書開皇初詔後周所毀

佛寺皆復建之州人共造此寺刺史韋世康名之曰光福禪

房後又改爲啟法寺碑以仁壽二年十二月立有邑人趙勵
等題名寶刻叢編

恆嶽寺舍利塔碑

隸書不著書撰人名氏文帝仁壽元年建舍利塔於恆嶽寺
詔吏民皆行道七日人施十錢又自寫帝像於寺中大業元
年長史張果等立碑寶刻叢編

舍利塔銘

李百藥撰書人名缺不可辨文帝仁壽中所起舍利塔銘也
碑以大業五年四月立寶刻叢編

九門令鉗耳府君清德碑

不著書撰人名氏鉗耳君名文徹本出於西戎後爲華陰朝

邑人煬帝時爲恆州九門令遷梁州司馬將去縣民刻石頌
德碑以大業六年在廢九門縣中寶刻叢編

姚辯墓誌

內史舍人虞世基撰太常博士歐陽詢書辯字思辯武威人
官至左屯衛大將軍諡曰恭碑以大業七年十月立寶刻叢編

楊雄碑

不著撰人名氏書學博士姓名缺書雄隋之疏屬也官至司徒
封觀王諡曰德碑以大業九年立寶刻叢編案金石錄謂唐初立誤也

儀同府參軍黃山碑

不著書撰人名氏山字子岳荊州江夏人仕至儀同孔仲衡
府參軍碑以大業九年立寶刻叢編

陳司徒告身

隋大業十一年陳杲仁告身杲仁妻軫靜舍宅造寺無書人

名氏舍宅疏稱明政二年者李子通年號也在武烈帝廟

碑目

西林道場碑

太常博士歐陽詢撰輿地碑目作渤海公撰不著書人名氏筆畫遒勁

或以為詢自書按西京記隋改寺為道場碑以大業十三年

立在廬山西林寺寶刻叢編


王威猛墓志

不著書撰人名氏威猛字繼叔瑯琊海曲人官至候衛虎賁

郎將碑以大業中立寶刻叢編

鳳林寺碑


鳳林寺碑庾信撰輿地碑目



集古錄目卷四

集古

九



鳳林書軒
鳳林書軒

集古錄目錄卷五

宋廬陵歐陽棐撰

賜進士出身翰林院編修 國史館纂修江陰繆荃孫校輯

唐

長壽寺舍利碑

隸書不著書撰人名氏隋文帝仁壽中內出舍利寘于三河郡之長壽道場藏以金棺石函唐初詔選名僧三十人居之齊王元吉造丈八大像於寺中碑以武德六年五月立

寶刻叢編

周黃羅利碑

秦王府學士虞世南撰不著書人名氏羅利東郡胙縣人周末尉遲迴兵起羅利聚眾擊之授行軍總管碑以武德八年

十月立

寶刻叢編

十良靈仙寺碑

秦王府記室參軍薛收撰國子書學博士缺鳳卿書寺在西嶽沙門妙達所建碑以貞觀元年立寶刻叢編

等慈寺碑

祕書少監顏師古奉勅撰不著書人名氏初太宗東伐王世充竇建德來救破之於汜水及卽位有詔嘗破敵之處皆建寺以爲戰死者資福此其一也碑以貞觀二年立寶刻叢編

大理卿郎穎碑

中書侍郎李百藥撰前驃騎大將軍宋才書穎字楚之歷任隋唐至大理卿柱國恆山公致仕諡曰平碑以貞觀五年十月立在真定府北郎氏墓林中寶刻叢編

平公官屬題名

不著書人名氏平公穎也凡柱國府僚佐故吏長史司馬掾屬參軍曲陽令恆山公府國官國令大農常侍侍郎國尉典尉舍人城局廟長學官長食官長丞廩牧長丞典府長丞親事百三十餘人在穎碑陰寶刻叢編

隋尚書左丞即茂碑

宗正卿李百藥撰幽州人張師邱書平公穎孫餘令題額茂字蔚之常山新市人穎弟也仕隋至太常上卿尚書左丞終於廬陵太守碑以貞觀五年十一月立在郎氏墓林中寶刻叢編

黃君漢碑

東宮左庶子李百藥撰不著書人名氏君漢字景雲東郡胙

縣人羅利之子官至夔州都督封號國公碑以貞觀六年立

寶刻叢編

無量壽佛大像碑貞觀十年立

不著書撰人名氏興國寺沙門道宗造無量壽佛大像未成

而卒其徒智常成之貞觀十年同州刺史隴西王博文為立

此碑寶刻叢編

右僕射溫彥博碑

中書侍郎岑文本撰弘文館學士歐陽詢書虞公名彥博字

大臨太原人太宗時官至尚書右僕射封虞國公諡曰恭碑

以貞觀十一年立寶刻叢編

益州長史郭福善碑

碑首殘缺不見書撰人名氏福善字福善太原晉陽人唐初

官至益州都督府長史諡曰慎碑以貞觀十二年立寶刻叢編

太平觀主王遠知碑

道士江旻撰法主弟子徐碩隸書法主名遠知字德廣瑯琊

臨沂人有盛名於隋唐閒太宗建太平宮於茅山以處之碑

以貞觀十六年立在茅山寶刻叢編

贈司空魏鄭公碑

太宗御製并書徵字玄成鉅鹿曲陽人官至太子太師贈司

空諡曰文貞碑以貞觀十七年正月立寶刻叢編

高士廉瑩兆記

衛尉卿許敬宗撰趙謨書士廉名儉以字行渤海蓀人官至

尚書右僕射申國公贈司徒諡曰文獻碑以貞觀二十二年立寶刻叢編

贈太常卿孔穎達碑

寶刻叢編

太子左庶子于志憲撰不著書人名氏穎達字冲遠冀州衡水人官至太子右庶子國子監祭酒封曲阜公諡曰憲碑以

貞觀二十二年立

寶刻叢編

改葬陳慧湛墓志

太平宮改葬山以惠之碑

不著書撰人名氏慧湛字彥沈涿郡范陽人仕陳至南平王

諮議參軍至唐改葬志以貞觀二十三年刻

寶刻叢編

周唐瑾碑

于志憲撰歐陽詢正書瑾以後周天和四年薨唐貞觀中其

孫皎為立此碑

寶刻叢編

昭仁寺碑

諫議大夫朱子奢撰不著書人名氏及立石年月太宗即位

其平生戰伐之地皆立寺為戰死者祈福昭仁寺者嘗破薛

舉處也

寶刻叢編

楚哀王稚詮碑

給事中歐陽詢撰并八分書王名稚詮字集弘高祖之子也

隋大業末高祖兵起於太原王在京師見殺高祖輔政追封

楚公諡曰哀武德初進爵為王碑不著所立年月歐陽公時

為給事中

寶刻叢編

褚亮碑

八分書書撰人名氏皆缺亮字希明河南陽翟人

案新史作杭州錢塘

人歷仕陳隋至唐終散騎常侍弘文館學士贈太常卿諡曰

康碑以貞觀中立

寶刻叢編案亮遂良父也金石錄作高宗時立為是

贈太尉房元齡碑

碑缺不見書撰人名氏考其字畫褚遂良書也元齡字喬清

河人唐初官至司空封梁國公贈太尉諡曰文昭碑以貞觀

中立碑缺不見年月

寶刻叢編案金石錄高宗時立

隋弘義明公皇甫誕碑

太子左庶子于志寧撰歐陽詢書誕字玄憲安定朝邨人隋

文帝末年為并州總管府長史漢王諒反誕不從見殺追贈

柱國封弘義公諡曰明

寶刻叢編案金石錄唐貞觀中立

隋段文振碑

處士潘徽撰歐陽詢八分書文振字元起隴西姑臧人仕隋

至兵部尚書封龍岡郡公贈右僕射諡曰襄碑不著所立年

月

寶刻叢編案金石錄貞觀中立

贈并州都督豆盧寬碑

門下侍郎李義府撰不著書人名氏寬字

缺一

恕位至光祿

大夫封芮國公贈并州都督諡曰定碑以永徽中立在昭陵

寶刻叢編

三藏聖教序記

太宗御製序高宗御製記中書令褚遂良書永徽四年十月刻又有一本在同州者序記同為一石字畫並同而刻石在

此本後十年疑模本也

寶刻叢編

太常卿薛收碑

于志監撰書人不著名氏收字伯襄蒲州汾陰人官至天策

府記室太常卿定州刺史諡曰獻碑多漫滅者志監官爵及

收之鄉里葬之年月皆不可見

寶刻叢編 案金石錄永徽六年八月立

魏州刺史王波利碑

不著書撰人名氏忠公姓王名濤字波利越雋邛部人仕唐

為內給事官至魏州刺史封真定縣公諡曰忠碑以永徽中

立寶刻叢編

太子少師崔敦禮碑

尚書左僕射于志監撰志監子太常少卿立政書敦禮博陵

人官至太子少師侍中中書令封固安縣公諡曰昭據唐書

敦禮字安上而此碑曰君諱安上字敦禮又曰本名元禮武

德二年勅改為敦禮前後自相乖誤當以敦禮為正碑以顯

慶元年十月立

寶刻叢編

隋遂監郡公楊達碑

不著書撰人名氏遂監郡公姓楊氏名達字叔莊弘農華陰

人隋之宗室煬帝時官至納言封遂監郡公諡曰懿唐武后

其外孫也顯慶元年追贈左僕射為立此碑

寶刻叢編

代國夫人開佛窟碑

陳國重撰韓處約書碑稱佛窟者當漢初有氣如煙雲出於

其間高祖為之立廟後漢永平中釋教既至中國改廟曰大

平寺周改名曰大乘周武帝時被毀至唐代國夫人楊氏復開而立之碑以顯慶二年立

寶刻叢編

贈司徒李靖碑

侍中許敬宗撰直弘文館王之敬書靖字藥師隴西成紀人官至右僕射封衛國公贈司徒諡曰景武碑以顯慶三年五

月立

寶刻叢編

弘福寺辯法師碑

祕書丞李儼撰洋州司戶薛純陁書法師名機字辯姓張氏南陽人爲弘福寺沙門碑以顯慶二年八月立

寶刻叢編

贈司徒尉遲恭碑

中書舍人許敬宗撰不著書人名氏恭字敬德河南洛陽人

官至開府儀同三司封鄂國公贈司徒并州都督諡曰忠武碑以顯慶四年三月立

寶刻叢編

蘭陵長公主碑

吏部尚書兼知中書門下事李義府撰慶州刺史駙馬都尉竇懷哲書公主名淑字麗其太宗之第十九女碑以顯慶四

年九月立在百城寺中

寶刻叢編

贈荊州都督張士貴碑

書撰人名氏缺士貴號州盧氏人官至左領軍大將軍贈荊州都督碑以顯慶中立在昭陵

寶刻叢編

三藏聖教序記

序太宗御製記高宗御製中書令褚遂良書永徽四年刻在

永興今此本序記同爲一石字畫並同而刻石在永興本後
十年疑模本也龍朔三年六月立在同州寶刻叢編

袁游擊碑

游擊子義愔撰并書游擊名神通字玄濟河南宜陽人仕唐
官至游擊將軍右武衛唐興府正果毅都尉碑以麟德元年

立寶刻叢編

孫仁師百濟班師碑

前隨州光化尉馬大斌撰不著書人名氏高宗既平百濟已
而其國人復叛右威衛將軍孫仁師爲熊津道行軍大總管
伐而平之師還至都洲刻石紀功以麟德元年立寶刻叢編

盧國公程知節碑

盧國公程知節碑

侍中中書令行右丞相許敬宗撰暢整書知節字義貞濟州

東阿人官至鎮軍大將軍封盧國公贈驃騎大將軍碑以麟

德二年十月立在昭陵寶刻叢編

夏州都督姜協碑

司列少常伯李安期撰豫王府屬直弘文館高正臣書協字

壽秦州上邽人官至夏州都督碑以乾封二年立寶刻叢編

高匡墓志

不著書撰人名氏匡字才仁滄州渤海人碑以乾封二年立

本朝嘉祐中永年令石起得之於洛州乾明僧舍寶刻叢編

華陽觀主王軌碑

江靈令于敬之撰王元宗書先生名軌字洪範又字道栖瑯

集
五
那臨沂人爲道士師王遠知茅山華陽宮其所建也碑以乾
封二年十一月立在茅山後有總章二年弟子李義廉題名

寶刻
叢編

鄭國夫人武氏碑

司列少常伯李安期撰前戎衛兵曹參軍殷仲容八分書夫
人名順字缺一則太原壽陽人武后之妹司衛卿賀蘭安石

之妻封韓國夫人追贈鄭國碑以乾封三年立寶刻
叢編

司衛卿尉遲寶琳碑

侍中中書令行右丞相許敬宗撰饕餮部員外郎直文館王
知敬著寶琳字元瑜敬德之子女至司衛卿碑以咸亨元年

正月立寶刻
叢編

右驍衛大將軍阿史那忠碑

不著書撰人名氏忠字義節京兆萬年人唐上元中官至右
驍衛大將軍贈鎮軍大將軍諡曰貞碑以上元二年十月立

寶刻
叢編

九門縣西浮圖碑

前應詔四科舉董行思撰清河傅德節書高宗時縣人于慧
炬等一本因隋浮圖故基而重建之碑額題曰九門縣一本

令鄉城人等爲國造浮圖碑以上元三年立寶刻
叢編

大興國寺舍利塔碑

相州刺史越王貞撰趙郡李君惠集王羲之書興國寺楊震
學舍也隋文帝仁壽中以舍利分置天下諸寺此其一也碑

以儀鳳四年三月立寶刻叢編

恆嶽嶺路銘

深澤處士張克雋撰恆嶽嶺處士缺姓書高宗調露中用兵於

突厥恆州長史碑不著名披山刊木構橋梁以通運路路由北嶽

故以嶽嶺為名碑以調露二年二月立寶刻叢編

獨孤府君頌德碑

硤石尉孟缺一字休撰桃林主簿盧元珪書碑缺府君名其字

曰思思下又缺一字河南洛陽人給事中元愷之子為陝州

桃林令入為水部員外郎桃林人立此碑以頌德據唐書表

元愷之子曰思莊思行此不知其誰也碑以調露二年立寶刻叢編

叢編 古刻補遺大研軍四史張淑卿

元府君德政碑

八分書不著書撰人名氏府君名思哲字知仁河南洛陽人

以絳州夏縣令卒於官縣人右監門校尉陰神義等為立碑

以頌德以調露二年立在夏縣寶刻叢編

開業寺碑

李尚一撰蘇文舉書開業寺者後魏司徒李裔所立謂之隱

覺寺周廢佛法以寺賜裔孫祖元隋初復立為寺唐貞觀中

賜名開業碑以開耀二年二月立在元氏縣寶刻叢編

陶雲德政碑

申州錄事張義感撰不著書人名氏雲字夫舉河南伊闕人

唐高宗時為恆州刺史碑以永淳三年立在真定府門外寶刻叢編

叢編

王法主碑

鳳閣侍郎同鳳閣鸞臺平章事劉禕之撰揚州登仕郎齊懷

素

按輿地碑目作壽

書法主名遠知居茅山華陽宮追贈金紫光祿

大夫諡曰昇真碑以文明元年立在茅山

寶刻叢編

八都壇記

碑首題曰八都壇神君實錄八都者蓋其境內封龍等八山

為壇都

一作神

望而祭之因壇立廟以為名刺史馮義縣令蕭

倓等禱雨有應率人修其廟而為之記因列時人姓名於後

撰述者自稱元質而不著姓亦無書人名氏碑以垂拱三年

立

寶刻叢編

案金石錄作垂拱元年十月立

懷州司兵參軍魏載墓志

湖州司倉高嶠撰不著書人名氏載鉅鹿曲陽人文貞公徵

之孫叔玉之子官至懷州司兵參軍坐事流死嶺南碑以垂

拱四年立

寶刻叢編

修敬寺旭禪師碑

無書撰人名氏禪師姓趙氏絳州稷山人住修敬寺碑以萬

歲通天二年立在河陽

寶刻叢編

渭南縣令李思古清德頌

直崇文館馬

案通志略作馮

吉甫撰不著書人名氏思古渤海蓀人

為鴻州渭南令入拜右司員外郎鄉人為清德碑以聖曆元

年十月立

寶刻叢編

仙壇山銘

仙壇山名并石天尊像一道士周道賜書銘不著撰人名氏
初道士宋文幹以山石自然成形因立壇其後縣令岑琢石
為像碑以聖曆三年立在溧水縣寶刻叢編

則天幸流杯亭宴詩

靈臺丞殷仲容書武后聖曆三年幸汝州宴飲於州南流杯
亭與羣臣分韻賦詩武后御製及梁王三思等凡七首平章
事李嶠為敘以久視元年九月刻石碑後沒於汝水中貞元
五年刺史陸長源輦出之有記在碑陰字為八分書寶刻叢編

大雲寺碑

太子中書舍人賈膺福撰八分書寺本隋文帝所立謂之長

壽武后改曰大雲碑以大足元年五月立寶刻叢編

福昌令張公頌

前鳳閣舍人薛稷撰不著書人名氏考其字畫疑亦稷所書
也張君漢相蒼之二十九世孫武后時自福昌令徙為洛陽
令而福昌人為之立此張君名及年月皆剝缺不可辨寶刻叢編

案金石錄大足元年九月立

崇聖寺曇遂法師碑

薦福寺譯經沙門波菴撰前鳳州錄事袁元愬書法師姓魏
氏鉅鹿曲陽人高宗儀鳳中初建崇聖寺召法師居之其後
自斷肢體剝心腹以食百獸而死碑以長安元年立寶刻叢編

石柱銘

陝州刺史

缺姓名

撰八分書不著名氏石柱相傳以為周召分

陝所立以別地界銘不著所刻年月驗其字武后時刻也有

缺二等題名寶刻叢編

胡元綯墓志

不著書撰人名氏元綯字子實涇州安定人官至雅州嚴道

令碑以神龍元年立寶刻叢編

隋信行禪師興教碑

越王貞撰中書舍人薛稷書於禪師事迹無所敘述但為稱

美之辭而已謂之興教碑以神龍二年八月立寶刻叢編

寶將軍墓志

不著書撰人名氏將軍河南人唐太穆皇后之族官至右屯

衛將軍碑以神龍二年立文字缺滅將軍之名字不可見矣

寶刻叢編

句容令岑植德政碑

雍州錄事參軍張景毓撰業行寺僧翹微書植字德茂南陽

棘陽人自潤州句容令召還縣人為立此碑以景龍二年二

月立寶刻叢編

太子中舍人楊承源碑

孟獻忠撰集王羲之褚遂良歐陽詢等諸家書承源字嗣本

弘農華陰人官至太子典郎追贈太子中書舍人碑以景龍

三年十月立寶刻叢編

靈照寺鐘銘

居士武承泰撰文林郎武盡禮書寺僧初鑄大鐘以景龍二年刻此銘

寶刻叢編

龍興寺碑

兵部侍郎修文館學士張說撰吏部侍郎修文館學士盧藏用八分書中宗初復位天下州郡皆置龍興寺一所此碑以

景龍四年五月立

寶刻叢編

龍興寺碑陰

薛融書檢校陳州刺史韓奇等題名凡五十六人又有僧惠明等題名十六人別體書不著名氏

寶刻叢編

匡城令鄭府君碑

校書郎吳光璧

按類編作壁

撰前國子進士李惟恕書滑州匡城

令鄭諱去思頌德之碑也諱字叔敬滎陽開封府人碑以景

龍中立

寶刻叢編

孔子贊并碑陰記

文林郎武盡禮書據碑稱其先君嘗為懷州刺史作此贊後于悝為錄事參軍刻之然不書其姓也并盡禮所作記述漢以來追贈孔子官爵孔子裔孫元寶等重葺祠宇修立舊碑并贊皆列於碑陰

寶刻叢編

贈益州都督王美暢碑

禮部尚書昭文館學士薛稷撰并書美暢字通理太原祁人官至潤州刺史其女為睿宗德妃景雲中追贈美暢至益州都督碑以景雲二年七月立

寶刻叢編

崔敬嗣碑

檢校祕書丞兼昭文館學士胡皓撰國子監太學助教郭謙
光八分書敬嗣字奉先博陵安平人官至并州大都督府長
史碑以景雲二年九月立寶刻
叢編

崇文宮碑

左拾遺孫處立撰楊幽徑書崇立宮者宋文帝路淑媛所立
唐景雲二年制使道士葉法善奉玉冊投龍設齋碑以太極
元年四月立在茅山寶刻
叢編

清邊軍總管楊乾緒碑

富平主簿褚琇撰正字權瓌八分書乾緒字幼紹雍州富平
人官至宣威將軍右玉鈐衛幽州開福府折衝都尉清邊軍

總管致仕碑以先天元年十一月立


寶刻
叢編

韋維善政論

著作郎楊齊哲撰前洛川丞直翰林院褚庭誨書維字文紀
京兆杜陵人為坊州刺史此實紀德碑也以先天元年立寶
刻

贈廣州大都督成王仁碑

侍郎岑羲撰岐王府參軍魏思禮書仁字千里後改以字為
名太宗之孫吳王恪之子宫至益廣二州都督封成王神龍
三年與節愍太子同誅武三思敗死先天二年妃慕容氏為
立此碑寶刻
叢編



集古錄目卷五

宋天元二年十一月五日

